

یوہ آکا شوانی جموں ہے محبوب سلطانی تیں خبر سنو۔

CM Indus Treaty

وزیر اعلیٰ عمر عبداللہ نے پچھلے تہاڑے سندھ آبی سمجھوتا غا جموں کشمیر ور اثر نانہہ اُجاگر کیو۔ اُنہاں نے کہیو جے اس سنگ جموں کشمیر جہیڑو دریا توں مالا مال ہے لیکن بجلی غی بڑی صلاحیت نانہہ باندے آنن توں محدود ہو جا ئے۔ وزیر اعلیٰ نے کہیو جے سمجھوتا غی رکا وٹاں غی وجہ توں جموں کشمیر نانہہ سر دیاں غا مہینہ مانہہ بجلی غی پیداوار کھٹ ہون تو اک بڑی قیمت نانہہ چکانو ہے۔ اُنہاں نے اُنہاں گلاں غو اظہار پچھلے تہاڑے ریا ستاں تے مرکزی زیر انتظام علاقہ توں تعلق رکھن آلا بجلی غا وزراء غی اک کا نفرنس غے دوران بولتاں واں کیو۔ واضع رہ جے وزیر اعلیٰ نے بجلی غی وزارت غو وی عہدو سنبھالیو ہے۔ اس کا نفرنس غی صدارت بجلی غا مرکزی وزیر منو پر کر رہیا تھا۔ اس کا نفرنس غے دوران بولتاں واں جناب عمر عبداللہ نے اس گل نانہہ اُجاگر کیو جے سندھ آبی سمجھوتا غی وجہ توں جموں کشمیر نانہہ صرف چلتا دریا ور پروجیکٹاں غی اجازت ہے جہیڑی بجلی غی صلاحیت نانہہ باندے آن مانہہ بڑی رکاوٹ ہے۔ اُنہاں نے کہیو جے جموں کشمیر نانہہ بھارت سرکار غی طرفوں خصوصی معاوضہ دینو چاہیے تانجے اپنی غیر استعمال پانی توانائی غی صلاحیت نانہہ باندے آئیو جا سکے۔ اُنہاں نے مزید کہیو جے اس مدد سنگ نہ صرف خطہ غی توانائی ضروریات نانہہ پورو کرن مانہہ مدد ملے غی بلکہ قومی سطح ور صاف توانائی غا ہدف مانہہ وی اک تعاون ملے گو۔ وزیر اعلیٰ نے مرکزی غی مداخلت غو مطالبو کرتاں واں مرکزی عوامی شعبہ غا اداراں جن مانہہ پی ای ایس ایل قومی تھرمل بجلی کا رپو ریشن نانہہ نقصانات نانہہ کھٹ کرن آلا کماں نانہہ تیز کرن یا رے جواب دھے بنان غی گل بات کی۔

Dy CM Rajouri

نائب وزیر اعلیٰ سُریندر کمار چودھری نے پچھلے تہاڑے اک میٹنگ منعقد کر غے پر دھان منتری گرام سڑک یو جنا پی ایم جی ایس وائی، عوامی کماں یا رے محکمہ پی ڈبلیو ڈی تے سرحدی سڑک تنظیم بی آر او غی طرفوں کیا جا رہیا بڑا سڑک رابطہ پروجیکٹاں ور ہوئی پیش رفت غو جائزو لیو۔ اس میٹنگ غو مقصد چل رہیا کماں یا رے جانکاری حاصل کرنو تانجے ویلے سر انہاں نانہہ پورو کیو جا سکے۔ اس میٹنگ مانہہ قانون ساز اسمبلی غا ممبر جا وید چودھری تے افتخار احمد وی موجود تھا۔ جنہاں نے ات سڑک رابطہ غی متعلقہ حلقاں مانہہ اہمیت نانہہ اُجاگر کیو۔ نائب وزیر اعلیٰ نے ہر اک پروجیکٹاں مانہہ معیار کی کم کاج کرن تے ویلے سر پورو کرن نانہہ یقینی بنان ور وی زور پایو۔ اُنہاں نے متعلقہ افسراں نانہہ ہدایت جا ری کرتاں واں کہیو جے اپنا کماں نانہہ ایمانداری تے لگن سنگ انجام دین غے نال اُن رکاوٹاں غی پشان کر غے دور کریں جہیڑی پروجیکٹاں نانہہ ویلے سر مکمل کرن تے معیار کی کم کاج مانہہ دقت بن رہی ہیں۔

Security Review

فوج غی شمالی کمانڈ غا کمانڈر لیفٹنٹ جنرل ایم وی سچندرا کمار نے پچھلے تہاڑے وائٹ نائٹ کور غا صدر مقام غو دورو کر غے کا روائی تیاریاں غو جائزو لیو۔ اُدھم پور مانہہ واقعہ شمالی کمانڈ غا کمانڈینگ بارے جنرل افسر غو 16 کور غا صدر مقام غو یوہ دورو ایسا وقت مانہہ کیو گئیو ہے جد کشتواڑ ضلع غا دور دراز جنگلاتی علاقہ مانہہ دہشت گرد مخالف کا روائی نانہہ تیز کر دتو گئیو ہے۔ واضع رہ جے پچھلا 5 تہاڑاں مانہہ 2 بکھ بکھ دہشت گرداں حملہاں مانہہ اک جے سی او تے دو گرائیں دفاعی گارڈز نانہہ دہشت گرداں نے شہید کیو تھو۔ اس ضمن مانہہ وائٹ نائٹ کور غا کمانڈینگ با رے جنرل افسر لیفٹنٹ جنرل نوین سچدیوا نے کشتواڑ غو دورو کر غے ات دہشت گرد مخالف چل رہی کا روائی غو جائزو لیو۔ حفاظتی ذرائع نے دسیو ہے جے کشتواڑ غا کیشوان تے گنتواڑہ غا کول کال

غا جنگلاتی علاقہ مانہہ بڑا پیمانہ ور تلاشی کا روائی اج 7 ویں تہاڑے وی جا ری ہے۔ جموں زون غا اے ڈی جی پی انڈجین نے پچھلے تہاڑے اُدھم پور ر ضلع غا بسنت گڑھ غو دورو کر غے حفاظتی کا روائیاں غو تفصیلی جائزو لیو۔ اے ڈی جی پی غا اس دورہ غو مقصد مقامی پولیس غی طرفوں تیاریاں غو جائزو لینو تے مقامی لوکاں غی حفاظت نانہہ یقینی بنانو تے اُبھرتا خطرات با رے گل بات کرنو تھو۔

Sports Minister

کھیڈ تے نوجوان خدمات با رے وزیر ستیش شرما نے پچھلے تہاڑے اس گل ور زور پاتاں واں کہیو جے سرکار کھیڈ غا اصل ہنر رکھن آلاں نانہہ اگے بدھان غی وعدہ بند ہے۔ اُنہاں نے اس گل غی یقین دھانی کرواتاں واں کہیو جے کسے وی شخص تے گروپ نانہہ کھیڈاں غا شعبہ نانہہ سیاسی بنان غی اجازت نہیں دتی جائے گی۔ جناب ستیش شرما نے کہیو جے مستحق کھلاڑیاں نانہہ ہر ممکن مدد فراہم کی جائے گی اس غے نال نال اُن غو مزید کہنو تھو اگر کسے نے وی کھیل اداراں نانہہ اپنا ذاتی مفاد واسطے استعمال کیو تاں اُنہاں نانہہ باہر غو رستو دسیو جائے گو۔ واضع رہ جے اُنہاں نے اُنہاں گلاں غو اظہار پورا مُلک مانہہ منعقد کی جا رہی 68 وی قومی سکول کھیڈاں غے تحت 14 بہراں توں کھٹ عمر غا گیراں تے کالسریاں غی فینسینگ چمپئن شپ غی شروعات غے دوران جموں یونیورسٹی مانہہ کیو۔ وزیر موصوف کہیو جے قومی سکول کھیڈ نانہہ مُلک غو سب توں اہم پلیٹ فارم قرار دیتاں واں کہیو جے اِت اسکول غا کھلاڑی اپنا ہنر نانہہ دس غے قومی سطح ور مقابلو کر سکیں۔ اُنہاں نے والدین، کھیڈاں غا اُستاداں تے دیگر غو شکریو ادا کیو جھپڑا نوجوان کھڈاریاں نانہہ ہر ممکن مدد فراہم کرن تے کھیڈاں غی تقریب نانہہ کامیاب بنان مانہہ اک بہترین کردار ادا کریں۔

Labour Commissioner

لیبر کمشنر جھپڑا کہ کارخاناں غا اعلیٰ انسپکٹر وی ہیں نے اک نوٹس جاری کر غے تمام کارخانان غا مالکان، منیجر تے کارخانہ چلان آلاں نانہہ کہیو ہے جے ضروری اندراج تے لائسنس گا عمل لیبر محکمہ مانہہ مکمل کریں۔ یوہ نوٹس اُن کارخانان غا منیجر تے مالکان واسطے ہے جنہاں نے اجاں تک ضروری اندراج تے لائسنس غا عمل نانہہ پورو نہیں کیو ہے۔ یوہ نوٹس مزدوراں غی حفاظت، صحت تے بہبود غے نال نال کارخانہ با رے قانون 1948 غی دفعات غے تحت جاری کیو گیو ہے۔ جموں کشمیر مانہہ کافی سارا ایسا کارخانہ ہیں جنہاں نے قانونی طور ور لازمی اندراج نانہہ لیبر محکمہ سنگ پورو نہیں کیو ہے۔ لیبر کمشنر نے کارخانان غا مالکان تے منیجر نانہہ 20 تہاراں غے اندر اندراج تے لائسنس غا ضروری عمل نانہہ مکمل کرن با رے کہیو ہے۔ نال ہی نال جنہاں غا لائسنس غی معیاد ختم ہو گئی ہے اُنہاں نانہہ کسے وی کاروائی توں بچن واسطے 7 تہاراں اندر اپنا لائسنس غی معیاد نانہہ بدھان با رے کہیو گیو ہے۔

اس غے نال ہی خبراں غو یوہ بلیٹن ختم ہوؤ۔